

尚书摩密尔达巴沙过谈，可以一晤，亦土国著名人也。知其意在邀赛尔德相见，于事为不宜，因辞之。而所言一以俄人兼并为忧，属中国善防之，并宜急求自立。愧谢而已。言及浩罕部各国多为俄人所据，所用不过三千人，各国无能抗拒者。欧罗巴气象日新，亚细亚全然衰退。俄、土两国兼有二洲之地，土国视亚细亚诸国兵力为独强矣，而不足当俄人，为俄人立国据有欧罗巴北境，得地为较多也。此亦事理之不可解者矣。

十五日。日本哈基苏克来见，言就学阿思弗小学馆，凡共小学馆二十八处，其大学馆约二千人，余皆二百人。问所学何艺，曰：史学、博物。问各学馆门类几何，曰：律法、天文、地理、博物、化学、算学、史学。所谓史学，兼各国情形言之。大率不出此数者。晚赴哈里多尼亚跳舞会即苏格兰会。马克斯威诺邀请甚勤，勉一应之。伯尔斯为之主，所见亨得里、弗里南得、密得数人。巴西恩布洛夫夫妇并至会堂，学生列队作乐以迎之。恩布洛者，译言皇帝也。

十六日。李丹崖、日意格、密斯盘来谈。密斯盘并绘送上海博物院图。发总署第六信内信初十日，外信十五日，并合淝伯相、沈幼丹、丁禹生、梅小岩、崇地山，及朱香荪、易淑子，及意城、志城，及家信第六号，并于十五日封好，至是始交德在初送信局。是夕赴柏金宫殿音乐会。男妇歌者百余人，凡歌十五叠。各国公使及诸部尚书皆集，听者数百人，妇人多于男子殆逾数倍。

十七日。赴柏金宫殿音乐会，归时天欲曙矣，误以十六日所记为是日上午事。是日铿新登花园善会，及斯博得斯武得、坚伯斯、阿尔该尔公、格非斯各处茶会，皆未赴。

十八日。屠迈伦来，谈及马格里情形，有极不可解者。劫星照命，举相从贤否皆化而为劫星，殆亦自然之数也。德在初外出，

詢知十五日一信尚未遞送信局，因又補寄唐景星一信，及復蔡瑞亭、林國祥二信。瑞亭軍門管帶揚武輪船。林國祥官都司，管帶琛航輪船，荐其弟國禎充馬來領事。法國公使邀陪巴西國主听音乐，坐定，始見門隙數人側席而坐，巴西國主夫婦在焉，或时起就婦人談。西洋君民尊卑之分本无区别，巴西國主至舍其國邀游万餘里外，与齐民往还嬉戲，品花听乐，流蕩忘返，亦中國聖人之教所必不容者矣。

十九日。得客勒斯摩里为委尔斯邀茶会。其花园形式与阿尔该尔公略同，而玫瑰花之盛则尤巨观也。其右园地甚广，未能遍游。屋内铺张甚盛，花木尤繁，亦英国巨富也。所见类敦、谛萨、阿尔马答谛马三人，皆英国著名画师。谛萨自述其园林之盛，别有逸趣，约一往游。外见诗人卜娄宁、类里觉克林、费勒卜斯。天气渐热，花园茶会，树阴小坐，玩花品茶，微有清致。还过布克施一谈，语俄、土战事，并赠地图一幅。晚赴巴西公使茶会，接见其恩布洛。晤赫德弗斯德侯、立德，略谈数语即告归。

二十日。赴斯丹雷谈，并回答所问回教名。因询回教不食猪肉何义，云：此摩西已前言之：凡兽，蹄不分者不食，不反食者不食。牛羊食草后卧地，常若有所嚼啮者，反食也。马蹄不分，故不食。猪不反食，故亦不食。漠汗默立教，禁食者尚多：水族无鳞鱼若鳝鲋不食，出水常活若虾蟹之属不食，鸟以足攫食若鹰（鵟）〔鸢〕不食，兽食肉若犬若狸不食。以猪所常食者，故独著闻耳。问耶苏教、回教孰胜，曰：回教胜。问曰：何以言之？曰：回教，一天而已；耶苏教有天父、天兄，是三也。回教终日守之；耶苏七日礼拜诵经，是馀日皆在教外也。且耶苏陈义过高，如人有怨及我，回教言如此能恕之，能不记存于心，则天必佑之，耶苏则直言须更喜爱，则陈义过高之说也。问礼（堂）〔拜〕上耶苏堂否，曰：伦敦不上，乡居则上，以乡居为一乡耳目所属，人将